



龍

藏

小乘
單譯
經經

普爲出資及讀誦受持
 輾轉流通者回向偈曰
 願此功德 回向有情
 消除業障 增崇福祉
 家門清吉 身心安寧
 生入聖域 沒往西方
 先亡祖妣 歷劫怨親
 俱蒙佛慈 獲本妙心
 兵戈永息 禮讓興行
 人民安樂 世界和平
 四恩總報 三有齊資
 法界眾生 同證菩提

This book is for free distribution. It is not for sale. Printed in Taiwan.

公元二〇〇七年八月出版 恭印貳仟套

乾隆大藏經

景印重編
 句讀版本

倡印者 淨空法師

印贈者 香港佛陀教育協會

出版者 財團法人桃園縣至善教育事務基金會

地址 桃園縣中壢市過嶺里16之38號

電話 (〇三) 四二〇—七八〇九

傳真 (〇三) 四二〇—七八一三

淨空法師
 影音網址

<http://www.budaedu.org.hk>

<http://www.amtb-aus.org>

<http://www.chinkung.org>

E-mail amtbhk1@budaedu.org.hk

purelandcollege@inet.net.au

承印者 世樺國際股份有限公司 (〇二) 二二四六九九二八

ISBN 978-986-83622-0-8

御製

佛光恩照三千大千
恒沙法界普度衆生
身心安泰年時豐稔
日月升恒乾坤清寧
上下樂利中外協和
萬善圓成情與無情
大清雍正十三年四月初八日
隨緣徧滿
悉證菩提
風雨調順
百昌蕃熾
庶物咸亨
同登正覺

第四十一冊目次

小乘經單議經

六七六佛本行集經六十卷

隋闍那崛多譯

卷第一、卷第六〇

(一) 發心供養品 (卷一、三)	一	七九一
(二) 受決定記品 (卷三、四)	二九	四八
(三) 賢劫王種品 (卷四、五)	四八	六〇
(四) 上託兜率品 (卷五、六)	六〇	七七
(五) 俯降王宮品 (卷七)	七八	八六
(六) 樹下誕生品 (卷七、八)	八六	九四
(七) 從園還城品 (卷八、九)	九四	一〇六
(八) 相師占看品 (卷九、一〇)	一〇六	一二〇
(九) 私陀問瑞品 (卷一〇)	一二〇	一二八
(十) 姨母養育品 (卷一一)	一二九	一三四
(十一) 習學技藝品 (卷一二)	一三四	一四〇
(十二) 遊戲觀矚品 (卷一二)	一四一	一四五
(十三) 拘術爭婚品 (卷一二、一三)	一四五	一六四

(十四)	常飾納妃品(卷一三、一四)	一六四	一七三
(十五)	空聲勸馱品(卷一四)	一七三	一八〇
(十六)	出逢老人品(卷一四)	一八〇	一八四
(十七)	淨飯王夢品(卷一五)	一八五	一八八
(十八)	道見病人品(卷一五)	一八八	一九〇
(十九)	路逢死屍品(卷一五)	一九〇	一九二
(二十)	耶輸陀羅夢品(卷一五、一六)	一九二	二〇六
(二十一)	捨宮出家品(卷一六、一七)	二〇六	二二〇
(二十二)	剃髮染衣品(卷一七、一八)	二二〇	二三五
(二十三)	車匿等還品(卷一八、二〇)	二三五	二五四
(二十四)	觀諸異道品(卷二〇)	二五四	二六四
(二十五)	王使往還品(卷二〇、二一)	二六四	二七四
(二十六)	問阿羅邏品(卷二一、二二)	二七四	二九一
(二十七)	答羅摩子品(卷二二)	二九一	二九二
(二十八)	勸受世利品(卷二二、二四)	二九二	三一
(二十九)	精進苦行品(卷二四、二五)	三一	三三〇
(三十)	向菩提樹品(卷二五、二七)	三三〇	三五二
(三十一)	魔怖菩薩品(卷二七、二九)	三五二	三八四

(三十二) 菩薩降魔品(卷二九、三〇)	三八四、三九二
(三十三) 成無上道品(卷三〇)	三九二、四〇二
(三十四) 昔與魔競品(卷三一)	四〇三、四一一
(三十五) 二商奉食品(卷三一、三二)	四一一、四二四
(三十六) 梵天勸請品(卷三二、三三)	四二四、四三六
(三十七) 轉妙法輪品(卷三三、三四)	四三六、四五五
(三十八) 耶輸陀因緣品(卷三四、三五)	四五五、四六九
(三十九) 耶輸陀宿緣品(卷三六)	四七〇、四八二
(四十) 富樓那出家品(卷三七)	四八三、四八六
(四十二) 那羅陀出家品(卷三七、三八)	四八六、五〇三
(四十二) 娑毗耶出家品(卷三八、三九)	五〇三、五一五
(四十三) 教化兵將品(卷三九、四〇)	五一五、五二九
(四十四) 迦葉三兄弟品(卷四〇、四二)	五二九、五五七
(四十五) 優波斯那品(卷四二、四三)	五五七、五七二
(四十六) 布施竹園品(卷四四、四五)	五七三、五八八
(四十七) 大迦葉因緣品(卷四五、四七)	五八八、六一四
(四十八) 跋陀羅夫婦因緣品(卷四七)	六一四、六二二
(四十九) 舍利目連因緣品(卷四七、四八)	六二二、六三八

(五十) 五百比丘因緣品(卷四九)	六三九	六四八
(五十二) 斷不信人行品(卷四九)	六四八	六五〇
(五十二) 說法儀式品(卷五〇)	六五一	六六三
(五十三) 尸棄佛本生地品(卷五一)	六六四	六七八
(五十四) 優陀夷品(卷五二、五三)	六七九	六九九
(五十五) 優波離品(卷五三、五四)	六九九	七一七
(五十六) 羅睺羅因緣品(卷五五、五六)	七一八	七三三
(五十七) 難陀出家因緣品(卷五六、五七)	七三三	七五一
(五十八) 婆提唎迦等因緣品(卷五七、五九)	七五一	七七六
(五十九) 摩尼婁陀等因緣品(卷五九、六〇)	七七六	七八五
(六十) 阿難因緣品(卷六〇)	七八五	七九一

佛本行集經卷第一

父一

隋天竺三藏法師闍那崛多譯

發心供養品第一之一

北天竺捷達國婆羅門沙門闍那崛多。此言德志

歸命大智海毗盧遮那佛。

如是我聞。一時婆伽婆住王舍城迦蘭陀鳥竹林之內。與大比丘僧五百人俱。爾時如來住於佛行。無復煩惱。故名耆那。得一切智。行一切智。知一切智。住於天行。住於梵行。住於聖行。心得自在。依諸世尊欲行諸行。悉皆得行。在於比丘及比丘尼。諸優婆塞及優婆夷。四衆之中。受大供養。恭敬尊重。又諸國王。大臣宰相。種種外道。及諸沙門婆羅門等。佛得如是種種利養。飲食衣服牀鋪湯藥四事充滿。皆悉具足。最勝最妙無與等者。智慧第一。

名稱遠聞。雖受利養而心無染。猶如蓮華不著於水。世尊名號說法音聲。於世間中最上最勝更無過者。如是世尊。多陀阿伽度。阿羅訶。三藐三佛陀。十號具足。能於現在天魔梵釋。沙門婆羅門等一切天人世間之中。神通徧知。知已說法行於世間。前後及中。言語皆善。文義巧妙。理趣精微。相好莊嚴。具足無缺。清淨梵行。宣揚顯說。爾時尊者大目犍連。於晨朝時。整衣持鉢入王舍城欲行乞食。時目犍連獨立思惟。今日晨朝乞食尚早。我今先當至淨居天尊者目連作是念已。譬如力士屈伸臂頃。從王舍城沒身不現。至於淨居諸天宮所。忽然立住。爾時無量淨居諸天。既見目連安詳而至。心生歡喜。各相謂言。我等今者可共往迎尊者目連。發是語已。相隨至於

目捷連所。頭面頂禮目捷連足。却住一面。白目連言。尊者目連。希有希有。尊者目連。於世間中。難見難值。謂佛世尊。多陀阿伽度。阿羅訶。三藐三佛陀。於無量百千萬劫。勤修諸行。而說偈言。

於百千劫中 勤求菩提道 過於多時來

衆生中大寶 世間難見者 唯有佛世尊

爾時尊者大目捷連。從淨居天。聞是偈已。徧

體戰慄。身毛皆豎。而作是念。希有希有。不可

思議。難見難值。謂佛世尊。多陀阿伽度。阿羅

訶。三藐三佛陀。世間難逢。無量百千萬億劫

中。時一出現。爾時尊者大目捷連。於淨居天

爲彼天衆說無量種微妙之法。顯現無量清

淨法義。宣通無量深密法要。令諸天心各生

歡喜。教化顯示尊重法已。即沒身迴此閻浮

提。譬如力士屈臂還舒。一念之頃。到王舍城。次第乞食。還至本處。飯食訖。收衣鉢。洗足已。詣於佛所。到佛所已。頂禮佛足。却坐一面。復自坐已。向佛而說所行來處。世尊。我旦乞食到王舍城。便至首陀婆娑天上。天語我言。如來世尊。於世間中。難見難值。如前所說。具白佛言。世尊。我聞如是希有語已。實難思說。所謂諸佛多陀阿伽度。阿羅訶。三藐三佛陀。於無量百千劫中。時一出世。爾時佛告目捷連言。目捷連。淨居諸天。少知少見。以狹劣智。乃能得知百千劫事。所以者何。目捷連。我念往昔。於無量無邊諸世尊所。種諸善根。乃至求阿耨多羅三藐三菩提。目捷連。我念往昔。作轉輪聖王身。值三十億佛。皆同一號。號釋迦如來。及聲聞衆。尊重承事。恭敬供養。四事具

足。所謂衣服飲食。卧具湯藥。時彼諸佛。不與我記。汝當得阿耨多羅三藐三菩提。及世間解。天人師。佛世尊。於未來世得成正覺。目捷連。我念往昔。作轉輪聖王身。值八億諸佛。皆同一號。號然燈如來。及聲聞衆。尊重恭敬。四事供養。所謂衣服飲食。卧具湯藥。幡蓋華香。時彼諸佛。不與我記。汝當得阿耨多羅三藐三菩提。及世間解。天人師。佛世尊。目捷連。我念往昔。作轉輪聖王身。值三億諸佛。皆同一號。號弗沙如來。及聲聞衆。四事供養。皆悉具足。時彼諸佛。不與我記。汝當作佛如上所說。目捷連。我念往昔。作轉輪聖王身。值九萬諸佛。皆同一號。號迦葉如來。及聲聞衆。四事供養。皆悉具足。乃至不與我受記。當得作佛如上所說。目捷連。我念往昔。作轉輪聖王身。

值六萬諸佛。皆同一號。號燈明如來。及聲聞衆。四事供養。皆悉具足。乃至不與我受記。當得作佛如上所說。目捷連。我念往昔。作轉輪聖王身。曾供養一萬八千諸佛。皆同一號。號娑羅王如來。及聲聞衆。四事供養。皆悉具足。然後出家。作如是念。爲未來世當得佛道。護持禁戒。時彼諸佛。不與我記。乃至作佛如上所說。目捷連。我念往昔。作轉輪聖王身。曾供養一萬諸佛。皆同一號。號能度彼岸如來。及聲聞衆。四事供養。皆悉具足。乃至不與我受記。當得作佛。目捷連。我念往昔。作轉輪聖王身。曾供養一萬五千諸佛。皆同一號。號日如來。及聲聞衆。四事供養。皆悉具足。乃至不與我受記。當得作佛。目捷連。我念往昔。作轉輪聖王身。曾供養二千諸佛。皆同一號。

號憍陳如如來。及聲聞衆。四事供養。皆悉具足。乃至不與我受記。當得作佛。目捷連。我念往昔。作轉輪聖王身。曾供養六千諸佛。皆同一號。號龍如來。及聲聞衆。四事供養。皆悉具足。乃至不與我受記。當得作佛。目捷連。我念往昔。作轉輪聖王身。曾供養一千諸佛。皆同一號。號紫幢如來。及聲聞衆。四事供養。皆悉具足。乃至不與我受記。當得作佛。目捷連。我念往昔。作轉輪聖王身。曾供養五百諸佛。皆同一號。號蓮華上如來。及聲聞衆。四事供養。皆悉具足。乃至不與我受記。當得作佛。目捷連。我念往昔。作轉輪聖王身。曾供養六十四諸佛。皆同一號。號螺髻如來。及聲聞衆。四事供養。皆悉具足。乃至不與我受記。當得作佛。目捷連。我念往昔。作轉輪聖王

身。曾供養一佛。號正行如來。及聲聞衆。四事供養。皆悉具足。彼佛亦不與我受記。當得阿耨多羅三藐三菩提。及明行足。一切世間解。目捷連。我念往昔。曾供養八萬八千億辟支佛。播蓋香華。四事具足。乃至彼佛滅度之後。爲起塔廟供養如前。而不與我受於記。當得阿耨多羅三藐三菩提。目捷連。我念往昔。有一如來號。曰善恩多陀阿伽度。阿羅訶三藐三佛陀。於彼佛所。彌勒菩薩最初發心。種諸善根。求阿耨多羅三藐三菩提。時彌勒菩薩。身作轉輪聖王。名毗盧遮那。爾時人民壽八萬歲。目捷連。彼善恩如來。初會說法。九萬六千億人。得阿羅漢道。第二會說法。八萬四千億人。得阿羅漢道。第三會說法。七萬二千億人。得阿羅漢道。目捷連。彼毗盧遮那轉

輪聖王。供養於彼善恩如來。及聲聞衆。恭敬尊重。幡蓋華香。四事具足。目捷連。時毗盧遮那轉輪聖王。見彼如來。具足三十二大人相。八十種好。及聲聞衆。佛刹莊嚴。壽命歲數。即發道心。自口稱言。希有世尊。願我當來得作於佛。十號具足。還如今日善恩如來。爲於大衆聲聞。人天恭敬圍繞。聽佛說法。信受奉行。一種無異。彌勒又言。願我當來。爲多衆生作諸利益。施與安樂。憐愍一切天人世間。目捷連。彌勒菩薩。在於我前四十餘劫發菩提心。而我然後始發道心。種諸善根。求阿耨多羅三藐三菩提。目捷連。我念往昔。有一佛名。示誨幢如來。目捷連。我於彼佛國土之中。作轉輪聖王。名曰牢弓。初發道心。種諸善根。求阿耨多羅三藐三菩提。我時供養彼佛世尊。滿

一千年。及聲聞衆。恭敬尊重。禮拜讚歎。四事充足。持五百具妙好衣裳。一時布施。及至彼佛般涅槃後。起舍利塔。高一由旬。廣半由旬。七寶莊嚴。所謂金銀。玻瓈。瑠璃。赤真珠等。碑礫。碼碯。而以校飾。復持種種幡蓋。幢鈴。香華。燈燭。以用供養。目捷連。我設如是諸供養已。晝夜精勤。發廣大誓願。於當來得作佛時。有諸衆生。不孝父母。不敬沙門。及婆羅門。不識家內親疎尊卑。無信敬心。不信三世。因緣業果。不信現在。有於聖人。無一法行。唯行貪欲。瞋恚愚癡。具足十惡。唯造雜業。無一善事。願我於彼世界之中。當得阿耨多羅三藐三菩提。憐愍彼等諸衆生故。說法教化。作多利益。救護衆生。慈悲拔濟。令離諸苦。安置樂中。爲彼天人廣說於法。目捷連。諸佛如來。有是苦

行希有之事。爲諸衆生。目捷連。諸菩薩等。凡有四种微妙性行。何等爲四。一自性行。二願性行。三順性行。四轉性行。目捷連云。何名爲自性行。若諸菩薩。本性已來。賢良質直。順父母教。信敬沙門及婆羅門。善知家內尊卑親疎。知己恭敬承事無失。具足十善。復更廣行其餘善業。是名菩薩自性行。云何名爲願性行。若諸菩薩。發如是願。我於何時當得作佛。阿羅訶。三藐三佛陀。十號具足。是名菩薩願性行。云何名爲順性行。若諸菩薩。成就具足六波羅蜜。何等爲六。所謂檀波羅蜜。乃至般若波羅蜜。是名菩薩順性行。云何名爲轉性行。如我供養然燈世尊。依彼因緣讀誦。則知是名菩薩轉性行。目捷連。是名菩薩四种性行。

爾時世尊在舍衛國祇樹給孤獨園。以得作佛。住於佛行。略說如上。時佛食訖。七日入定。念於往昔。諸佛世尊。多陀阿伽度。阿羅訶。三藐三佛陀。爾時阿難。過七日後。詣於佛所。頂禮佛足。却住一面。白佛言。世尊。希有如來。身體清淨。面色巍巍。如我前見。今復倍常光明增盛。世尊。諸根無量寂靜。坐何三昧。念何法相。爾時世尊告阿難言。如是阿難。如汝所說。多陀阿伽度。阿羅訶。三藐三佛陀。若入定住。念於往昔。諸佛如來。得大自在神通智已。欲住一劫。若減一劫。念百千億諸佛智慧。而如來智無有障礙。何以故。如來以具諸佛智慧。度彼岸故。阿難。如來一食訖已。或住一劫。或減一劫。欲住多少。隨意自在。無有疲倦。何以故。如來具得諸佛三昧。度於彼岸。諸三昧中。

此最爲勝。佛告阿難。我念往昔無量無邊阿僧祇劫。時世有佛。號帝釋幢。多陀阿伽度。阿羅訶。三藐三佛陀。能爲一切無量衆生作歸依處。能爲衆生作慈悲宅。善能憐愍一切衆生。能與一切衆生安樂。有大威德。無量聖衆前後圍繞。阿難。彼帝釋幢如來。有五百億諸聲聞衆。悉皆得證阿羅漢果。壽五千歲。彼帝釋幢如來。授一菩薩記。次當作佛。號上幢如來。阿難。彼上幢如來。復授一菩薩記。次當作佛。號幢相如來。阿難。彼幢相如來。復授一菩薩記。次當作佛。號喜幢如來。阿難。彼喜幢如來。復授一菩薩記。次當作佛。號十幢如來。阿難。彼十幢如來。復授一菩薩記。次當作佛。號難伏幢如來。阿難。彼難伏幢如來。復授一菩薩記。次當作佛。號明燈如來。阿難。彼明燈如

來。復授一菩薩記。次當作佛。號善明燈如來。阿難。彼善明燈如來。復授一菩薩記。次當作佛。號建立如來。阿難。彼建立如來。復授一菩薩記。次當作佛。號善建立如來。阿難。彼善建立如來。復授一菩薩記。次當作佛。號龍仙如來。阿難。彼龍仙如來。復授一菩薩記。次當作佛。號無比威德如來。阿難。彼無比威德如來。復授一菩薩記。次當作佛。號聖所生如來。阿難。彼聖所生如來。復授一菩薩記。次當作佛。號妙勝如來。阿難。彼妙勝如來。復授一菩薩記。次當作佛。號仙勝如來。阿難。彼仙勝如來。復授一菩薩記。次當作佛。號普陰如來。阿難。彼普陰如來。復授一菩薩記。次當作佛。號預相如來。阿難。彼預相如來。復授一菩薩記。次當作佛。號上族如來。阿難。彼上族如來。復授

一菩薩記。次當作佛。號自境界如來。阿難。彼自境界如來。復授一菩薩記。次當作佛。號無等如來。阿難。彼無等如來。復授一菩薩記。次當作佛。號拘留孫如來。阿難。彼拘留孫如來。復授一菩薩記。次當作佛。號大光明如來。阿難。彼大光明如來。復授一菩薩記。次當作佛。號離憂如來。阿難。彼離憂如來。復授一菩薩記。次當作佛。號捨洪水如來。阿難。彼捨洪水如來。復授一菩薩記。次當作佛。號大力如來。阿難。彼大力如來。復授一菩薩記。次當作佛。號至彼岸如來。阿難。彼至彼岸如來。復授一菩薩記。次當作佛。號日如來。阿難。彼日如來。復授一菩薩記。次當作佛。號寂滅如來。阿難。彼寂滅如來。復授一菩薩記。次當作佛。號大震聲如來。阿難。彼大震聲如來。復授一菩薩

記。次當作佛。號自王如來。阿難。彼自王如來。復授一菩薩記。次當作佛。號寶王如來。阿難。彼寶王如來。復授一菩薩記。次當作佛。號宿王如來。阿難。彼宿王如來。復授一菩薩記。次當作佛。號微妙如來。阿難。彼微妙如來。復授一菩薩記。次當作佛。號梵音如來。阿難。彼梵音如來。復授一菩薩記。次當作佛。號功德生如來。彼功德生如來。有七十億聲聞弟子。皆悉證於阿羅漢果。其佛壽命足十萬年。般涅槃後。正法住世。滿三千歲。阿難。彼功德生如來。復授一菩薩記。次當作佛。號龍觀如來。彼龍觀如來。得菩提已。爲諸衆生住世一劫。阿難。彼龍觀如來。復授一菩薩記。次當作佛。號無畏上如來。阿難。彼無畏上如來。復授一菩薩記。次當作佛。號龍上如來。阿難。彼龍上如

來。復授一菩薩記。次當作佛。號天德如來。阿難。彼天德如來。復授一菩薩記。次當作佛。號身分上如來。阿難。彼身分上如來。復授一菩薩記。次當作佛。號無比月如來。復授一菩薩記。次當作佛。號因上如來。阿難。彼因上如來。有一千六百聲聞弟子。皆阿羅漢。阿難。彼因上如來。復授一菩薩記。次當作佛。號紫上如來。阿難。彼紫上如來。復授一菩薩記。次當作佛。號多伽羅尸棄如來。阿難。彼多伽羅尸棄如來。復授一菩薩記。次當作佛。號蓮華上如來。阿難。彼蓮華上如來。復授一菩薩記。次當作佛。號憍陳如如來。阿難。彼憍陳如如來。同名號者有一百佛。所住之劫名小蓮華。彼憍陳如如來。各各皆有五百億衆聲聞弟子。皆阿羅漢。彼諸如來。一一

住壽各三百歲。佛涅槃後。正法住世亦三百歲。阿難。其最後憍陳如如來。復授一菩薩記。次當作佛。號栴檀如來。阿難。彼栴檀如來。復授一菩薩記。次當作佛。號明燈如來。阿難。彼明燈如來。復授一菩薩記。次當作佛。號利益如來。阿難。彼利益如來。復授一菩薩記。次當作佛。號善德如來。彼善德如來。以佛眼觀一切衆生。爲欲憐愍諸衆生故。不斷佛種。住世千劫。彼善德如來。多陀阿伽度。阿羅訶。三藐三佛陀。有三十二億那由他聲聞弟子。皆阿羅漢。阿難。彼善德如來。復授一菩薩記。次當作佛。號明星如來。阿難。彼明星如來。復授一菩薩記。次當作佛。號護世知足如來。彼護世知足如來。過於無量那由他劫。然後作佛。阿難。彼護世知足如來。有二十億聲聞弟子。皆